

王荆文公詩注



王荆文公詩卷之四十七

鴈湖李壁箋註

須溪劉辰翁評點

律詩

杏花

垂楊一逕紫苔封

唐任珪戲郡守詩入門堪笑復堪憐
三逕苔封一釣船○包結詩積雪封

古口徑多年
亞石松

人語蕭蕭院落中獨有杏花如喚客倚牆斜

日數枝紅

歐公詞薦啼宴席似留
人花出墻頭如有意

城東寺菊

黃花漠漠弄秋暉無數蜜蜂花上飛不忍獨醒辜爾去

慙慙為折一枝歸

鄭谷菊詩節去蜂愁蝶不知曉庭還
繞折殘枝唐人王蕊花詩應共群仙

鬪百草獨來偷折一枝歸又
薛能詩立馬煩君折一枝

拒霜花

即芙蓉

落盡群花獨自芳
紅英渾欲拒嚴霜
開元天子千秋節

戚里人家承露囊

宋景文詩繁霜不可拒謹勿愛虛名宋自註云俗名拒霜其實逢霜即悴

矣○坡詩喚作拒霜渾未稱細思却是最宜霜○唐以前帝王生日不置節名隋文六月十二日生詔天下為武文皇帝斷屠宰至明皇始以八月五日誕辰為千秋節開燕上壽王家戚里貢獻金鏡士庶結承露絲囊等物相遺○小杜過勤政樓詩千秋佳節空名在承露絲囊世已无

燕

處處定知秋後別
年年常

長一作

向社前逢行藏似

自一作

欲追時節豈是人間不見容

章孝標詩舊壘危巢泥已落今年故向社前歸少皞

時玄鳥司分者也○傳咸燕賦云隨時宜以行藏似君子之出處○韓詩雙二歸燕則燕之歸特蛰於土中

耳沈存中
論此甚詳

吐綬鷄

樊籠寄食老低摧
組麗深藏肯自媒
天日清明聊一吐

兒童初見互驚猜
韓信寄食漂母
歐公鶴詩樊籠毛羽曰低摧
劉禹錫有吐綬鳥詩湖

烟始開山曰高迎風吐綬盤花條
柳子厚苔韋中立書僕往聞庸蜀之南怕少日出則大吠此詩意亦類

柳疑公自况終以議變法者為非
崔豹古今注云吐綬鳥一名功曹
酉陽雜俎魚復縣南山有鳥大如鷓鴣

鷓鴣羽色多黑雜以黃白頭頰似雉
有時吐物長數寸丹采虎炳形色類綬因名為吐綬鳥
又食以蓄唼臆前大

如斗慮觸其唼行每遠草木故一名避株鳥
倦游雜錄云真珠雞生夔峽山中畜之甚馴其羽毛有白圓點

故号真珠雞又名吐綬雞
生而反哺亦名孝雉每至春夏之交景氣和暖頷下出綬帶至尺餘紅碧鮮然頭有

翠角双立良久悉斂於喙下披其毛不復見或有死者
割其頸臆間亦死所覩
苔溪漁隱曰廣右閩中亦有

吐綬雞余在二處見人家
多養之不獨巴峽中有之

黃鸝

野花吹盡竹娟娟杜甫竹詩雨洗娟娟淨又歸山尚有黃鸝

最可憐姪姀不知緣底事背人飛過北山前說文曰離

鳴即蚕生詩義疏或謂之黃栗留齊人謂之搏黍關西謂之黃鳥子美聞鶯詩姪姀人家小女兒半啼半語隔

花枝○杜甫鴈詩一一背人飛○又項斯詩動水花連影逢人鳥背飛

蝶

翅輕於粉薄於繒長被花牽不自勝張子野詩懶同胡蝶為春忙若

信莊周尚非我豈能投死為韓憑莊周事已見古詩○嶺表錄異云韓朋鳥

者乃鳧鷖之類雌雄為雙飛泛溪浦水禽中鷓鴣為鴛鴦

云大夫韓朋其妻美好康王奪之朋怨王囚之朋遂自

殺妻乃陰腐其衣王與之登臺自投臺下左右捉衣衣不勝手遺書於帶曰願以死還韓氏而合葬王怒令埋之兩冢相望經宿忽見有梓木生二冢之上根交於下

枝連其上又有鳥如鴛鴦常栖其樹朝暮悲鳴南人謂
此禽即韓朋夫婦之精魄故以韓氏名之韓朋一云韓
憑○李義山絕句青陵臺畔日光斜萬古真魂
倚暮霞莫許韓朋為蛟蝶等閑飛上別枝花

暮春

無限殘紅著地飛谿頭煙樹翠相圍楊花獨得東風意

相逐晴空去不歸退之落花詩已分將身著地飛又楊柳詩擺撼春風飈欲飛温庭筠詩芍

藥薔薇語早梅不知誰是艷陽才今朝領得東風意不復饒君雪裏開隋煬帝侯夫人詩粧成多自恨夢好却

成悲不及楊花意春來到處飛

真州東園作歐公嘗為許元作記即此處

十年歷遍人間事張良傳願棄人間事却遶新花認故叢杜詩藥殘他日

果花發去年叢南北此身知幾日山川長在淚痕中

過皖口皖口在舒州

皖城西去百重山陳迹今埋香霽間公嘗倅舒州故言陳迹白髮
行藏空自感春風江水照衰顏

發粟至石陂寺

鷲水穿山近更賒唐李陔詩望水尋山二里餘竹林斜到地仙居三更燃火飯

僧家乘田有秩難逃責從事雖勤敢嘆嗟孟子孔子嘗為乘田矣介甫時為鄆縣發粟救民故借用乘田事

甫時為鄆縣發粟救民故借用乘田事

別皖口

浮煙漠漠細沙平飛雨濺濺嫩水生嫩水見至開元僧舍注異日

不知來照影更添華髮幾千莖白詩重重照水看容髮不見朱顏見白絲失却

少年死覓処泥他湖水欲何為牧之詩弄溪終日到黃昏照數秋來白髮根

別瀟皖二山

鄉壘新恩借舊朱欲辭瀟皖更躊躇二山在舒州瀟上即天柱山皖山即

皖公攢峰列岫爭譏我飽食頻一作窮年報禮虛杜牧之詩喜拋

新錦帳茶借舊朱衣○按公舒倅滿即入館後四年方為常州此云別瀟皖當考北山移文列壑爭譏攢峰竦

謂○報禮字見別注

舒州被召試不赴偶書

戴盆難與望天兼自笑虛名亦自嫌槁壤太牢俱有味

可能蚯蚓獨清廉司馬遷書戴盆何以望天○第五倫傳明帝戒外戚苦身待士不如為國

戴盆均王天事不兩施○小杜詩如今歸不得自戴望天盆

舟過長蘆長蘆屬儀真

木落草搖洲渚昏泊船深閉雨中門韋莊詩雨打梨花深閉門此謂船門

回燈祗欲尋歸夢兒女紛紛強笑言岑參詩孤燈燃客夢寒杵擣鄉愁

金山寺

北檝南檣泊四垂共憐金碧爛參差孤根萬丈滄波底

除却蛟龍世不知東坡松詩根到九泉無曲處世間推

余言韓蘄王嘗選軍中善沒者於三門下淵潭最深處遣入水視有何物沒者駭叫騰出云有一大龍抱山足而戲

其二

波瀾蕩沃乾坤大少陵洞庭湖詩納二乾坤大氣象包藏水石閑

有此中宜曠望誰令天作海門山詩周頌天作高山注作生也○樂天詩况

有虛白亭坐見海門山○李白詩刻却君山好平鋪湘水流亦此意

其三

天日蒼茫海氣深每來高處一登臨丹樓碧閣皆時事

只有江山古到今言樓閣興壞繫於一時不同江山久存也

泊姚江寰宇志餘姚江在縣五十步闊四十丈入明州

山如碧浪翻江去水似青
天照眼明喚取仙人來住此

莫教辛苦上層城評曰好。太白詩下視千萬峰峰頭如浪起。柳詩洞庭春去水如天杜

詩春水船如天上坐。淮南子崑崙山上有層城高萬一千里

游鍾山

兩山松櫟暗朱藤雲南記曰雲南山出藤其色如朱小者以為馬策大者以為拄杖恐所在

山谷皆有不必出雲南白樂天有朱藤杖詩一水中間勝武陵言景過於武陵之桃源

午梵隔雲知有寺夕陽歸去不逢僧古詩但聞煙外鐘不見煙中寺又參

寥子詩隔林彷彿聞機杼知有人家住翠微。崔峒詩客尋朝磬食僧背夕陽歸。杜牧之老僧詩日暮千峯

裏不知何處歸

龍泉寺石井二首建康志无龍泉寺而臨汝志長安鄉有龍泉院豈即此寺

邪或在南康也○信州亦有龍泉院在玉山縣

山腰石有千年潤海眼一作泉無一日乾天下蒼生待

霖雨不知龍向此中蟠唐劉崇遠金華子云北海縣因發五銖錢取之不盡得一石記

云此是海眼以錢鎮之衆懼遷掩之○杜詩古來相傳是海眼○李白詩深沉百丈通海底那知不有蛟龍蟠

○石林詩話云荆公少以意氣自許故詩語惟其所向不復更為涵蓄如天下蒼生待霖雨不知龍向此中蟠

又濃綠万枝紅一點動人春色不須多又平治險穢非无力潤澤焦枯是有才之類皆直道其胸中事後為群

牧判官從宋以道尽假唐人詩集博觀而約取晚年始尽深婉不迫之趣乃知文字虽工拙有定限然必視其

幼壯雖公方其未至亦不能力強而遽至也○吳曾漫錄云張文潛有二石龜晁无咎名其大者為九江小者

為千歲文潛因作九江千歲龜歌贈无咎云老龍洞庭怒蕩覆堯九州謂半山老人也又云禹咄嗟水平流謂

司馬君實也不知曾何所據而云若果尔是公本以龍自命後人又以龍目之然則公之所以為龍者亦異矣

其二

人傳此井未嘗枯左宣公十二年目於皆井而拯之皆枯也滿底蒼苔亂髮

麤杜牧之詩水四海旱多霖雨少此中端有卧龍無退

詩居然鱗介不能容石眼環二水一鍾聞說旱時求雨澤只疑科斗是蛟龍

興國樓上作

松篁不動翠相重杜荀鶴詩日日射流塵四散紅公云有

曰射地穿千里赤亦類此地上行人愁喝死那知高處有清風說文

曷反著暑熱死也淮南子曰武王瘞喝人於柳下而天下懷抱朴子曰指冰室不能起喝子之熱○漢武帝紀

元封四年夏大旱民多喝死如淳曰喝音謁韓詩寒泉百尺空看影正是行人喝死時

別瀟閣

一溪清瀉百山重風物能留邴曼容曼容事見江東召歸注後夜

肯思幽興極月明孤影伴寒松

杭州望湖樓回馬上作呈玉汝樂道

水光山氣碧浮浮落日將歸又少留從此祗應長入夢

夢中還與故人遊孟郊詩月向无隱物况復大江秋峴亭當此時故人不不同遊故人在長安

亦可從夢求○魯直詩松風夢與故人遇同駕飛鴻跨九州

和景純十四丈三絕

身先諸老幹樞機再見王門闔左扉但恨東歸相值晚

豈知臨別更心違景純本末見藏春塢注○禮記玉藻閨月則闔門左扉立于其中謂再逢閨也

其二

幾年相約在林立眼見京江更阻遊遺我珠璣何以報

恨無瑤玉與公舟詩篤公刘何以舟之惟玉及瑤注舟帶也瑤言有美德公酬龔深甫詩用

瑤玉事却通前後文使此言舟豈謂酒邪唐人有舣船疑此借用或舟字止是報之以瓊瑤之意

其三

藏春花木望中迷水複山長道阻躋詩道阻且躋注躋升也惆悵

老來塵世累無因重到武陵溪東坡亦有藏春詩云年拋造化甄陶外春入先生杖履中

臨津

臨津艷艷花千樹夾徑斜斜柳數行却憶金明池上路

紅裙爭看綠衣郎此平甫詩或誤刊於公集

汀沙

汀沙雪漫水溶溶睡鴨殘蘆暝靄中歸去北人多憶此

家家圖畫有屏風漢許后傳設妾欲作某屏風張於某所曰故事无有李白詩湖南七郡

凡幾家家屏障書題徧。王逢原山茶花詩江南池館厭深紅零落山烟雨中却是北人偏愛惜數枝和

雪上屏風

西山

西山映水碧潭潭楚老長謠淡滿衫

謝靈運廬陵王墓下詩延州叶心許

楚老惜蘭芳李善注云徐州先賢傳曰楚老者彭城之隱人

但道使君留不得那知

肯更憶江南

庾信既留長安雖位望通顯嘗有鄉關之思乃作哀江南賦以致其意

和文淑

張氏女弟

天梯雲棧蜀山岑下視嘉陵水萬尋我得一舟江上去

恐君東望亦傷心

田叔傳蜀口棧道近山○少陵過棧閣詩目眩隕雜花頭風吹過雨百年

不可料一墜那得取

春入

春入園林百草香池塘冰散水生光身閑是處堪携手

何事低回兩鬢霜

衛詩迨冰未泮注冰未散正月中以前也此詩与懷舊後一聯全同而上

二句比前作尤勝
疑此是後來改本

暮春

美藻的歷抽新葉

的歷謂荷葉初抽時

首宿闌干放晚花

薛令之詩首宿

長闌干○于闐地溫和

有首宿白下門東春已老莫嗔楊柳可藏鴉

古樂

府楊柳可藏鴉

烏江亭

在和州

百戰疲勞壯士哀中原一敗勢難迴江東子弟今雖在

肯為君王卷土來

項籍傳羽遂引而東欲渡烏江江亭長謂羽曰江東雖小地方千里衆

數十萬亦足王也願大王急渡羽笑曰乃天亡我何渡為且籍與江東子弟八千人渡而西今亡一還縱江

東父兄於而王我我何面目見之哉公詩蓋取籍意杜牧之詩乃謂勝敗兵家不可期包羞忍恥是男兒江東

子弟多才俊卷土重來未可知

漢武

壯士悲歌出塞頻中原蕭瑟半無人君王不負長陵約

直欲功成賞漢臣

評曰形容武帝不須多。長陵高帝陵名漢誓曰非劉氏不王若有亡功

非上所置而疾者天下共誅之武帝欲侯貳師以其亡功非高帝之約乃令伐大宛斬其王封海西侯故班固

云武興胡越之伐將帥受爵應本約矣

諸葛武侯

慟哭楊顛為一言餘風今日更誰傳區區庸蜀支吳魏

不是虛心豈得賢

蜀楊顛字子昭襄陽人為丞相亮主簿亮自校簿書顛直入諫曰為治有

區分則上下不可相侵請為明公以家主喻之於此使

奴執耕種婢主炊爨雞主司晨犬主吠盜牛負重載馬

涉遠路私業無曠所求皆足雍容高拱飲食而已忽一
日盡身親其役不更付任勞其勉力為此碎務形疲神
困終无一成豈其智不如奴婢雞犬哉失為家主之法
也故古人稱坐而論道謂之王公作而行之謂之士大

夫邴吉不問橫屍而憂牛喘陳平不肯知錢穀云自有
主者彼誠達於位分之體也今明公為理親自校簿書
流汗竟日不亦勞乎亮謝之後嘗為
東曹屬典選舉及顯死亮泣三日

望越亭

亂山千頃翠相圍

退之詩天水滌相圍

袞袞滄江去復歸

杜詩不盡長江

袞二來水隨天而轉往來不窮故云去復歸

安得病身生羽翼長隨沙鳥自

由飛

退之詩安得長翻大翼如雲生我身

春日席上

十年流落負歸期臨水登山各有思

楚詞登山臨水送將歸

今日

樽前千萬恨不堪頻唱鷓鴣詞

樂天詩從此結成千萬恨今朝果中白家詩

李群玉詩酒飛鸚鵡盞歌送鷓鴣愁

李白詩客有桂陽至能吟山鷓鴣

句容道中

句容江寧屬縣

荒煙寒雨暮山重草木冥冥但有風杜詩冥冥二孤高多烈風二十

四年三往返一身長在百憂中

晏望驛釋舟走信州

病起行山山更險下窮溪谷上通天乘高欲作東南望

青壁松杉滿眼前鮑昭敬亭山詩上干蔽白日下屬連回谿樂天長恨歌上窮碧落下黃泉

祈澤寺見許堅題詩寺在建康城東去城二十里宋景明中建梁朝置

龍堂有初法師結庵日誦法華經有一女來聽曰兒東海龍女師曰此山乏水可為我開

一泉後風雷良久有泉湧出至宋朝治平中賜名為祈澤治平寺云

藹藹春風入水村陶詩藹藹二遠人村森森喬木映朱門杜詩朱

真○世說君自謂遊朱門貧道如遊蓬戶高人遺蹟空佳句誰識旌陽後世

孫旌陽謂許遜也廬山記載許堅江南得道之士今簡寂觀前有堅曬衣石堅江左人多居三茅不知其年

容兒不變多談神仙事能詩如題茅山觀云嘗恨清風
千載鬱洞天今得恣遊遨松楸古色玉壇靜鶴不來
青帝高茅氏并寒丹已化明皇碑斷夢仍勞分明有箇
長生路休向紅塵歎二毛又一絕寄徐舍人鉉云幾宵
烟月鎖樓臺欲寄侯門薦祢才滿
面塵埃人不識謾隨流水下山來

送陳景初

慘淡淮山水墨秋行人不飲柰離愁藥囊直入長安市

誰識柴車載伯休

後漢韓康賣藥長安市口不二價二
十餘年時有女子從康買藥康守價

不移女子怒曰公是韓伯休耶乃不二價乎拒帝備玄
纁禮聘康不得已辭安車自乘柴車臨辰先發亭長以
韓徵君過方發人牛修道及見康為田叟也奪其牛康
即與之有頃使者至奪牛翁乃徵君也詩云誰識蓋用
奪牛事也○曾極載其叔祖裘父所記云陳太初始以
遠方一黃冠至京師人物秀偉見者莫能測也嘗跨驢
貨藥於市携二童自隨一號黃精一號枸杞作字賦詩
皆不凡俄有中貴人持入禁中裕陵見之異焉旋被收
遇補左街副道錄命主景靈宮
事據詩所稱藥囊與曾說合矣

巫峽

神女音容詎可求青山回抱楚宮樓朝朝暮暮空雲雨

不盡襄王萬古愁

沈有中筆談云自古言楚襄王夢與神女遇以楚詞考之似未必然高唐賦

序云昔者先王嘗游高唐怠而晝寢夢見一婦人曰妾巫山之女也為高唐之客朝為行雲暮為行雨故為立廟号曰朝雲其曰先王嘗游高唐則夢神女者懷王也非襄王也

徐秀才園亭

按建康續志徐氏即徐鉉之後宅舊在攝山棲霞寺西今日陶莊即

其地園池甚盛

茂松脩竹翠紛紛正得山阿與水濱笑傲一生雖自樂

有司還欲選方聞

方聞見次韻酬宋紀注

中茅峰石上徐錯篆字題名

百年風雨草苔昏尚有當年墨法存祗恐終隨嶧碑盡

西風吹燒滿秋原

江南徐鉉善小篆映日脉之畫之中
心有一綫濃墨至于屈折處亦當用

无有偏側麪乃筆鋒直下不倒則故鋒肯在畫中此用
筆之法○渡江詞臣程俱言小篆之作自嶧山真刻不

傳至唐字法雖盛而篆法蓋一時者惟李陽冰為首徐
鉉後出筆力勁古遂出陽冰上○尔雅魯國鄒縣有嶧

山純石相積連屬而成山嶧山立石刻秦功德○
杜詩嶧山之碑野火焚韓詩兩淋日炙野火燒

欲雪

天上雲驕未肯同晚來雪意已填空

詩信南山上天
同雲兩雪雰雰欲

開旨酒邀嘉客更待天花落坐中

天花借
以喻雪

上元夜戲作

疑此平
甫所作

馬頭乘興尚誰先曲巷橫街一一穿盡道滿城無國艷

不知朱戶鎖嬋娟

石竹花

春歸幽谷始成叢
地面芬敷淺淺紅
潘安仁西征賦華實芬敷桑麻條暢

車馬不臨誰見賞
可憐亦解度春風
韓詩可憐此地无車馬顛倒青苔落絳英

黃花

四月揚州芍藥多
先時為別苦風波
還家忽忽驚秋色

獨見黃花出短莎
黃花菊也因見菊而思維揚芍藥

陽牡丹廣陵芍藥為相伴埽

木芙蓉

即今芙蓉也

水邊無數木芙蓉
露染燕脂色未濃
政似美人初醉著

強檯青鏡欲粧慵
薛能詩記得美人初病起道家裝束厭懷時杜荀鶴詩早被嬋娟誤欲粧

臨鏡慵承恩不在兒教妾若為容風暖鳥聲碎日高花影重年年越溪女相憶采芙蓉

精衛

帝子銜冤久未平區區微意欲何成情知木石無云補
待見桑田幾變更山海經炎帝之少女游於東海弱而不返化為精衛常取西山之木石以填東海云○又任昉述異記炎帝女溺死東海化為精衛自呼其名一名誓鳥一名冤禽一名志鳥一名帝女
雀○退之詩口銜山石細心望海波平渺渺功難見區區命已輕○言木石之微何能填海會見其復為平陸也其怨深矣麻姑語王方平云接待以來已見東海三為桑田○李白詩思填東海強銜一木

戲贈育王虛白長老

白雲山頂病禪師昔日公卿各贈詩行盡四方年八十

却歸荒寺有誰知遍參諸方老而歸也○司空圖詩後生乞汝殘風月自作深林不語僧此

豈更欲世人知乎

黃河

派出崑崙五色流一支黃濁貫中州吹沙走浪幾千里

轉側尾

一作屋

閭無處求

山海經有青河白河赤河黑河環其壘其水出東北陬屈曲東

南流為中國河○博雅曰崑崙虛赤水出其東南陬何水出其東北陬泮水出其西北陬弱水出其西南陬何水入東海三水入南海後漢書注云崑崙山今在肅州酒泉縣西南山有崑崙之跡故名之二書之語似得其實水經又言崑崙去嵩高五万里則恐不能若是之遠當更考之○羅隱詩崑崙水色九般流○莊子秋水篇北海若曰天下之水莫大於海百川歸之不知何時止而不盈尾閭泄之不知何時已而不虛司馬彪釋云世海水出外者也崔云海東川名

東江

東江木落水分洪

洪水脉復槽也分洪則水淺矣海道深颶謂之洋

伐盡黃蘆

洲渚空南澗夕陽煙自起西山漠漠有無中

北望

欲望淮南更白頭杖藜蕭颯倚滄洲可憐新月為誰好

無數晚山相對愁

杜詩不知明月為誰好早晚孤帆他夜歸

驪山

元和郡國志驪山在昭應縣東南二里即藍田山也秦始皇陵在焉

六籍燃除士不磨驪山如此盜兵何五陵珠玉歸人世

却為詩書發冢多

過秦論曰發先王之道焚百家之言以愚黔首○士不磨者言秦雖焚書

而義理出於人心者猶在不可得而磨也○劉向諫起昌陵曰始皇帝葬於驪山之阿棺槨之麗宮館之盛不可勝原天下苦其役而反之驪山之作未成而周章百萬之師至其下矣五陵謂漢高帝長陵惠帝安陵景帝陽陵武帝茂陵昭帝平陵自高惠景昭四陵在咸陽縣獨茂陵在興平縣○莊子外物篇儒以詩禮發冢大儒臚傳東方作矣事之何若小儒曰未解裙襦口中含珠詩固有之曰青青之麥生於陵陂生不布施死何含珠為按其鬢擊其顙儒以金椎控其頤徐別其頰无傷口中珠注詩禮者先王之陳迹也苟非其人乃有用之為奸則迹不足恃也

縣舍西亭二首

勤縣時作

山根移竹水邊栽已覺新篁破嫩苔可惜主人官便滿

無因長向此徘徊小杜詩竹岡蟠小徑屈折鬪蛇來三年得歸去知遶幾千迴

其二

主人將去菊初栽落盡黃花去却迴到得明年官又滿

不知誰見此花開唐劉希夷詩今年花落顏色改明年花開又誰在張籍詩遠客悠悠任病

身誰家池上不逢春明年各自東西去此地看花是別人。東坡詩太守問花花有語為君零落為君開

鐵幢浦未詳何地

憶昨初為海上行日斜來往看潮生蘇子美詩滿川風雨看潮生如

今身是西歸客迴首山川覺有情張籍詩如今身是他州客每見青山憶故居

臨吳亭臨恐是勾字

補穿葺漏僅區區志義殊嗟士大夫欲致太平非一日

謾勞使者報新書

漢氏以來群儒區區修補百孔子磨

支拄而已皆不滿之意

蘇州道中順風

北風一夕阻東舟清曉飛帆落虎丘

虎丘地名在姑蘇

運數本

來無得喪人生萬事不須謀

南史宋顧凱之常說命有定分非智力所移唯應恭

已守道信天任運而聞者不達妄意僥倖徒
勸雅道无関得喪。不須謀者不容計較也

王荆文公詩卷之四十七

王荆文公詩卷之四十八

鴈湖李壁箋註

須溪劉辰翁評點

律詩

送僧惠思歸錢塘

淥淨堂前湖水淥歸時正復有荷花花前亦有餘抗姥

為道仙人憶酒家公有古詩翰林謫仙人往歲酒姥家

中去為我殷勤謝酒家列仙傳王方平以千錢與餘

松江即吳也

來時還似去時天欲道來時已惘然祇有松江橋下水

無情長送去來一作唐常冰詩來時歡笑去時哀家

時船國迢迢迤迤越臺松江橋即長橋

秋日

莫言秋早

一作草木

未知秋今日風雲已自愁獨傍黃塵騎

一馬行看蕭索聽颼颼

中秋夕寄平甫諸弟

浮雲吹盡數秋毫

李群玉詩浮雲卷尽為瞳矐直出滄溟上碧空○杜詩上方重閣晚百里

見秋毫

燦燦金波滿滿膠

說文曰燦音弋灼反火飛也一曰燦聲○漢郊祀志月穆二以

金波師古曰月光穆二若金之波流也

千里得君詩

挑戰

漢高帝紀與漢王挑戰李奇音徒了反臣

夜壇誰

敢將風騷

杜牧之詩今代風騷將誰登李杜壇

靈山

按圖經在信州上饒縣西北九十五里亦名靈鷲山周廻百餘里舊經云上有龍池

多珎木奇卉兼出水晶

靈山寧與世為仇，斤斧侵凌自不休。水玉比來聞長價，

市人無數起相讎。斤斧侵凌言伐山取水玉也。○司馬相如傳水玉磊珂注水精也。○謝靈

運詩凌波採水玉

荷花

亭亭風露擁川坻。任彥升詩涿令行春返冠蓋溢天放

嬌饒豈自知。唐人詩名一舸超然他日事故應將爾當

西施小杜詩西子下姑蘇一舸逐鴟夷。○樂天詩萍汎同遊子蓮開當麗人又綠桂為佳客紅蕉當美人

殘菊

黃昏風雨打園林，殘菊飄零滿地金。折得一枝還好在，

一作猶可憐公子惜花心。歐陽文忠公嘉祐中見荆公此詩笑曰百花盡落獨菊枝

好在上枯耳因戲曰秋英不比春花落為報詩人子細看世傳誤謂王君玉有此句蓋詩意有相類耳文公聞之曰

是定不知楚辭云夕殫秋菊之落英歐陽九不季之過也據落英乃是桑之未落華落色衰之落非必言花委於地也歐王二巨公豈不曉此切疑小說皆謬不可信○蔡條西清詩話又云落始也

竹窻

竹窻紅莧兩三根易夬卦莧陸夬二宋衷注云莧莧菜山色遙供水際門

只我近知墻下路能將屐齒記苔痕白詩徑滑苔粘屐潭深水沒篙

出定力院作建康二志無定力院豈定林乎

江上悠悠不見人十年塵垢夢中身殷勤未一作解丁

香結放出枝間自在春李郢詩丁香正堪結留步小庭隈

寄育王大覺禪師

山木悲鳴水怒流百蟲專夜思高秋道人方丈應無夢

想復長吟擬蕙休退之詩夜深靜卧百虫絕此言百虫專夜皆佳又樂天長恨歌春從春遊

夜專夜又明妃曲只得當年備宮掖何曾專夜奉幃
屏○江淹擬休上人詩曰暮碧雲台佳人殊未來

送僧游天台

天台一萬八千丈

真誥桐柏山高一萬八千丈今天台亦然太白云四万字誤太白詩云天

姥連天向天橫勢拔五岳掩赤城天台四萬八千丈對此欲倒西南傾

歲晏老僧携錫歸

前程好景解吟否密雪亂雲絨翠微鄭谷詩天澹滄浪晚風悲蘭杜秋前

程吟此景為子上高樓

次韻張仲通水軒

池雨含烟暝不收草根長見水交流愛君古錦囊中句

解道今秋似去秋

解曰如此引賀詩似戲非前人比○李白詩解道澄江淨如練令人長憶

謝玄暉○李賀詩獨睡南窗月今秋似去秋○錦囊句亦是賀事

送陳令

長谿流水碧潺潺古木蒼藤暗兩山把臂道人今在否

長官白首尚人間杜詩壯心久零落白首尚人間

無錫寄孫正之

健席高檣送病身亂山荒隴障歸津應湏一曲千回首

西去論心更幾人杜詩我行入東川十步一回首○李義山哭劉蕡詩一叫千回首天高不

為聞○王摩詰詩勸君更盡一盃酒西出陽關無故人觀未句公厚伴如此

漫成

清時無路取封侯病卧牛衣已數秋日月不膠時易失

感今懷昔使人愁不膠言常去而不留也但封侯一句疑公不作此語

初晴

一抹明霞黯淡紅紅而稱黯淡言色之淺瓦溝已見雪花融前山

未放曉寒散猶鎖白雲三兩峰

秦少游詩斷霞一抹海天低○唐人詩沉雲隱

喬樹細雨
城曾空

釣者

釣國平生豈有心解甘身與世浮沉應知渭水車中老

自是君玉着意深

文王載呂尚與俱歸雖无車字然載即車也事見嚴陵祠堂注○張樂全

亦有太公詩今附於此默坐磻溪素髮垂商周於此繫興衰機深正似忘機者應被沙鷗靜處窺樂全之語與公意別恐非所以議聖賢也又嘗記唐人一詩不知誰作詩云青山長在境長新寂寞持竿一水濱及得王師身已老不知辛苦為何人莊子亦有釣臧事

將次鎮南

豫章江面朔風驚浩蕩帆船破浪行

宋宗慤年尚少叔父少文問其所志

懋谷曰願乘長風破萬里浪

目送家山無幾許千年空想蟪蛄聲

莊

逍遙遊篇朝菌不知晦朔
蟪蛄不知春秋此小年也

出金陵

白石岡頭草木深

建康志白土岡在城東見示耿天鵬注又江寧縣城南一十五里有石子

岡一名石子墩吳孫峻害諸葛恪投之於此岡即韓擒虎受陳將任忠出降之所又溧水縣北二十里有白石

山三處名皆不同不知此所指何地又世說孫興為庾公叅軍共遊白石山疑即白石岡也

春風相

與散衣襟浮雲映郭留佳氣飛鳥隨人作好音

漢光武紀望氣

蘇伯阿見春陵咄曰氣佳哉鬱二葱二然此謂金陵嘗為帝王都易小過飛鳥遺之音詩覲皖黃鳥載好其音

酬王微之

一雨迴颺助奪收

月令孟秋之月其帝少皞其神蓐收言金火方戰風雨助秋意也炎

曦不復畏金流

莊子逍遙遊篇大旱金石流土木焦而不熱

君家咫尺堪乘

興想岸烏巾對奕秋

題玉光亭

傳聞天玉此埋堙千古誰分偽與真每向小庭風月夜

却疑山水有精神

按信州圖經玉光亭在玉山縣廳之東不知所自章郇公及荆公詩碑在

焉郇公詩曰千層懷玉對軒牕此上新亭號玉光抵此便堪爲吏隱神仙官職水雲鄉蜀人青陽楷詩云鳴琴

賢宰有三長吟得新詞敵夜光好是斷章牙以和神仙官職水雲鄉和郇公韻也或言玉光恐在楚州班應縣

今附唐尼真如事於此○開元中有李氏者嫁於賀若氏賀若氏卒乃捨俗爲尼號曰真如家於鞏縣孝義橋

天寶元年七夕真如於盥濯之間忽見五色雲氣中引手不見其形徐以囊授真如曰寶之謹勿言也真如謹

守不敢失墜天寶末中原鼎沸真如展轉流寓於楚州安宜縣肅宗元年建子月真如忽見二人衣皂衣引真

如東南而行值樓觀嚴飾兵衛鮮肅皂衣者指之曰化城也城有復殿一人衣碧戴寶冠號爲天帝復有二十

餘人衣冠亦如之呼爲諸天命真如進旣而諸天相謂曰下界喪亂時以殺戮過多腥穢之氣達於諸天

不知何以救之一天曰莫若以神寶壓之一天曰常用第三寶今疹氣方盛第三寶不足以勝之頃以第二寶

第三寶今疹氣方盛第三寶不足以勝之頃以第二寶

授之則兵可息亂世可清也天帝曰然因出宝授真如
曰汝往令刺史崔洗進達於天子時肅宗寢疾方甚視
宝促召代宗謂曰汝自楚王為皇太子今上賜宝獲於
楚州天祚汝也宜宝愛之代宗再拜受賜得宝之故即
曰改為宝應元年上既監國乃昇楚州為上州縣為望
縣改縣名安宜宝應焉。楚州刺史鄭輅作記韓詩世
俗誰知偽与真。荀子玉在山而木潤淵生珠而崖不
枯。牛竒章詩珠玉會應成咳唾山川尤竟露精神

贈僧

紛紛擾擾十年間世事何嘗不強顏亦欲心如秋水靜

應須身似嶺雲閑

張樂全寄郭思誠詩心同秋水
靜身共野雲閑思誠太華隱者

嘲叔孫通

馬上功成不喜文叔孫綿蕤共經綸諸君可笑貪君賜

便許當時

一作先生

作聖人

本傳上惠朝儀不肅通采古礼
与秦儀雜就之与諸生為綿蕤

野外習之月餘通曰上可試觀拜通為奉常賜金五百
片通因進曰諸弟子儒生隨臣父矣与共為儀願陛下

官之高帝悉以為郎通出皆以五百金賜諸生乃喜曰
叔孫生聖人知當世務綿蕞如淳曰謂以前剪樹地為
纂位尊卑之次春秋傳曰置茅蒨師古曰蕞與蒨同或
云此詩宋景文作共經綸作強經綸王逢原集亦有詠
叔孫詩大抵同此意云弟子由來亦未純異時得
失亦類二一官所買知多少便議先生作聖人

和淨因有作

朝紅一片墮窻塵禪客蕭然感此辰參同契論外丹形
骸為灰土狀若明

惚塵○後山詩僧奩手汗
空留迹佛几堆紅拂委花更覺城中芳意少不如山野

早知春東坡詩曲欄幽榭終寒
窘一看郊原浩蕩春

張工部廟未詳何人

使節紛紛下禁中幾人曾到此城東獨君遺像今如在
廟食真須德與功

寄伯兄

身留海上去何時只着春鴻北向飛安得先生同一飯

一作飽

蕨芽香嫩蟹魚肥

制魚音制楚公七子安仁為長此詩所指伯兄是也

和張仲通見寄三絕句

高山流水意無窮三尺空弦膝上桐默默此時誰會得

坐凭江閣看飛鴻

劉長卿詩古調雖自愛今人多不彈詩誰會得亦此意也杜詩注目寒江

倚高閣。晉顧愷之恒云手揮五弦易目送孤鴻難

其二

收拾乾坤付一壺世間無物直鎔銖醉鄉舊業拋來久

更欲因君稍問塗

唐王績有醉鄉記

其三

歌枕狂歌擊唾壺直將軒冕等鎔銖醉鄉歧路君知否

不似人間足畏塗

令狐楚詩閑齋夜擊唾壺歌試望夷門奈遠何晉王處仲每醉後輒詠魏

武樂府歌曰老驥伏櫪志在千里以如意打唾壺為節壺漚尺缺○莊子畏塗者十殺一人父子兄弟相戒也

宣州府君喪過金陵

百年難盡此身悲
眼入春風祗涕洟
花發鳥啼皆有思

忍尋常棣脊令詩

公兄安仁為宣州司戶○脊令雝渠水鳥而在原失其常處則飛則鳴求

其類天性也猶兄弟之於急難

觀王氏雪圖

崔嵬相映雪重重
茅屋柴門在半峰
想有幽人遺世事

獨臨青峭倚長松

韓子

紛紛易盡百年身

選詩爭先万里舉世何人識道真莊

道之真以治身士直以治天
下○刘敞傳黨同門妙道真
力去陳言誇末俗可恨無

補費精神觀公此詩尚謂退之未識道真也余在臨川
獨黃帝孔子未見非耳畿其非人太多也如此詩可見

○陳無已云荆公詩力去陳言誇末俗可恨無補費精

神而公平生文體數變莫年詩益工用意益苦故言不可不

謹也○韓詩可恨無益費精神有似黃金擲虛牝公譏韓

子而用其語但易一字耳

宰韜

謀臣本自繫安危賤妾何能作禍基但願君王誅宰韜

不愁宮裏有西施評曰偏宕可憐○說苑相公問於管

害霸乎對曰無害於霸也惟不知賢害霸信賢而復使

小人參之害霸詩意始本此○程氏云李觀謂若教管

仲身長在宮裏何妨更六人此語不然管仲時相公之

心特未蠹也若已蠹雖管仲可柰何未有心蠹尚能用

管仲之理公語亦李意當以程說為允

郭解

藉交雖有不貲恩漢法歸成棄市論平日五陵多任俠

可能推刃報王孫

言藉交雖於人有恩漢法不許也本傳以軀藉友報仇師古曰藉謂借助

也公孫弘欲解罪當大逆亡道遂族解不止棄市也解誅後俠者極衆而無足數者●郭解以匹夫而奪人主死生之權且聖人之作五刑固有輕重今一言不中意而立殺之此何理也考其唱此悖亂之風解實為之魁故弘之言解布衣為俠行權以睚眦殺人解不知此罪甚於解知刘器之以弘此一事為得大臣之体

古寺

寥寥蕭寺半遺基

蕭寺見上注

遊客經年斷履綦

漢班婕妤行傳俯視兮

丹墀思君兮履綦二履之飾也

猶有齊梁舊時歿塵昏金像雨昏碑

温庭

筠詩猶有南朝舊碑在政將興廢問漁翁○杜詩惟有古殿存世尊亦塵埃如聞龍象位足令信者哀

越人以幕養花游其下二首

幕天無日地無塵百紫千紅占得春野草自花還自落

落時還有惜花人越人養花亦如洛中劉伶傳幕夫席地○言野花雖无幕護值其落時亦

有惜之者

其二

尚有殘紅已可悲更憂回首祇空枝莫嗟身世渾無事

睡過春風作惡時古詩花開堪折直須折莫待无花空折枝白集爭忍開時不同醉明朝後

日即空枝黃臺瓜詞三摘尚云可四摘抱蔓歸公詩亦類此

魚兒

遶岸車鳴水欲乾魚兒相逐尚相歡無人挈入滄江去

汝死那知世界寬晉曰可風曲李○喻禍至而不知由溺於燕安○古靈師在窓下看經蜂

子投牕紙求出師曰世界如許闊不肯出鑽他故帟做甚麼

離鄴至菁江東望

村落蕭條夜氣生側身東望一傷情
丹樓碧閣無處所

只有谿山相照明丹樓碧閣言
變滅无餘矣

信州回車館中作二首

太白山根秋夜靜太白山在剡縣
公之舊遊也亂泉深水遶床鳴鄭

詩向蜀還秦計未成
寒蛩一夜遶床鳴病來空館聞風雨恰似當年枕上

聲當年指
太白也

其二

山木漂搖卧弋陽因思太白夜淋浪
芭蕉一枕西窗雨

一作西窗一復似當時水遶床弋陽信州縣名○張祐
題弋陽館詩不知即是

此館否其詩云一葉飄然下弋陽殘霞昏日
樹蒼二吳溪漫碎干將劍却是猿声断客腸

天童山溪上以公經游記考之山在鄞縣

溪水清連樹老蒼行穿溪樹踏春陽段成式記鬼詩長安女兒踏春陽无

鄞縣西亭

收功無路去無田韓詩臨分不女竊食窮城度兩年更

作世間兒女態亂栽花竹養風煙退之詩無為兒女態憔悴悲賤貧

別鄞女

行年三十已衰翁滿眼憂傷只自攻今夜扁舟來訣汝

死生從此各西東言曰慘絕○礼曰五十始衰三十而

務揮淚各西東

真州馬上作

身隨飢馬日中行眼入風沙困欲盲心氣已勞形亦弊

自憐於世欲何營太史任傳神太用則竭形太勞則弊

登飛來峰

飛來山上千尋塔夔化軍仙遊縣有大飛山臨安錢塘縣靈隱寺有飛來山介甫未嘗入閩

若又以靈隱飛來峰則初无塔兼後聞說雞鳴見日昇後

志太山日觀雞一鳴時見日始欲出長三丈所太山記東南巖名曰日觀言雞初鳴時見日出又有秦觀吳觀

望見長安會稽孟浩然天台不畏浮雲遮望眼自緣

身在最高層杜牧詩明朝楚山上莫上最高層若以詩識言此亦可見公被遇神考始終人不能

障白日也陸賈新語邪臣蔽賢猶浮雲之障白日也李太白詩尽道浮雲能蔽日

讀漢功臣表

漢家分土建忠良周書武成分土惟三賈誼傳救建諸侯而少其力鐵券丹書

信誓長

漢高帝紀與功臣剖符作誓丹書鐵契金匱石室藏之宗廟注金匱猶金滕也契亦券之異名

本待山河如帶礪何緣殖醢賜侯玉

漢封爵之誓曰使黃河如帶泰山若

礪國以求存爰及苗裔於是申以丹書之信重以白馬之盟注帶衣帶也礪砥石也○黥布傳漢誅梁王彭越盛其醢以徧賜諸侯刑法志所謂殖其骨肉是也

詠月

追隨落日盡還生
點綴浮雲暗又明
江有蛟龍山虎豹

清光雖在不堪行

節曰以最高層為識則此句當如何小天多已心慢詩一笑○揚子五百篇

月未望則載鬼于西既望則終魄于東其翹於日乎注翹仰也向也○不如浮雲點綴謝景重語見上注○莊子秋水篇水行不避蛟龍者魚父之勇也陸行不避虎兕者獵夫之勇也○韓公將歸操涉其淺兮石齧我足乘其深兮龍入我舟亦此意

金山

恠祕陰靈與護持重丹復碧煥參差滄江見底應無日

萬丈孤根世不知詩曰即是前金山寺第一首疑改本然不及○杜首鶴詩海枯終見底人

死不知心○杜詩艷頭既沒孤根深

疊翠亭

煙籠遠浦迷芳草日照澄湖浸碧峯韓子蒼詩未肯分疏下山去為君純

浸紫霄峯幸有清罇堪酌酌忍陪良友不從容

默默

默默長年有所思世間談笑謾追隨蒼髯欲茁山朱顏去

更覺求田問舍遲勉酬俗也○韓文蘭茁其芽○山谷詩笋茁不避道

寓言一首

大虛無實可追尋葉落松枝漫古今張安道和趙叔平詩視身无实元袍

幻觀世皆若見桃花生聖解不疑還自有疑心揚傑語
空漫古今已墮迷坑立雪各腰勤求者自投疑
衆微笑者已墮迷坑立雪各腰勤求者自投疑
網靈雲詩自徙一見桃花後直到如今更不疑

其二

本來無物使人疑六祖云本却為參禪買得癡聞道無情

能說法面墻終日妄尋思國師有無情說法法良於師問瀉山須聞忠

微瀉山云云玠又問雲岩曰無情說法什麼人得聞雲岩

曰我若聞汝即不得聞吾說法也若徒麼即良玠不聞

其三

未能達本且歸根信心銘歸根得真照無知豈待言臨濟

流不止問如何真枯木巖前猶失路那堪春入武陵源

師玄談枯木巖前義路多行人到此莫

偶書

蹉跎○杜詩悲秋宋玉宅失路武陵源

穰侯老擅關中事長恐諸侯客子來我亦暮年專一壑

每逢車馬便驚猜

穰侯謂王稽謁君得无與諸侯客子俱來乎无益徒乱人国耳○張文潛

詩穰侯擅關中頗畏諸侯客搜車計已遲終困范公策庸夫各富貴百計私自惜勢移禍敗至智巧竟何益莊子秋水篇且夫擅一壑之水而跨時埴井之樂此亦至矣

揚子三首

儒者陵夷此道窮千秋止有一揚雄當時薦口終虛語

賦擬相如却未工

本傳蜀有司馬相如作賦甚弘麗温雅雄心壯之每作賦常擬之以爲式

又孝成帝時有薦雄文似相如者召雄待詔承明之庭言薦雄者止称其詞賦盖知道者未應以詞賦称之兼實未及相如之工也公古詩亦云知者乃得称其詞

其二

九流沉溺道真渾

一本作道真獨汴頽波討得源

陸機文賦

公波而
討源
歲晚強顏天祿閣強其兩反抵將奇字與人言評曰是

出翰○司馬遷遺任安書及已至此言不辱者所謂強顏耳○詩言雄仕於奔時實包羞故猥託於奇字耳

其三

千古雄文造聖真眇然幽思入無倫他年未免投天祿

虛為新都著劇秦雄解潮顧而作太玄五千文大者含元氣纖者入无倫雄雖投閣奔言其

素不與事或猶以美新故尔

讀維摩經有感

身如泡沫亦如風刀割香塗共一空宴坐世間觀此理

維摩雖病有神通華嚴經云以白旃檀塗身能除一切熱惱得清涼也刀割歌利王事法華

經云或曹王難苦臨刑欲壽終念彼觀音力刀尋段二壞前輩謂此言性也楞嚴經云觀世音令衆生於我身

心獲十四種无畏功德五者重聞成聞六根銷復同於声听能令衆生臨當被害刀段二壞使其兵戈猶如割

水亦如吹光性无搖動盖割水吹光而水火之性不動
搖猶如遇害而吾性湛然此乃得觀音無畏之力所謂
刀尋段二壞者正謂是耳○玄奘禪師第三語其相應
者心與空相應則譏毀讚喜何憂何喜身與空相應則
刀割香塗
何苦何樂

春日即事

池北池南春水生桃花深處好閑行細思擾擾夢中事

何用悠悠身後名

孫權語曹操春水方生公宜速去○王建詩池北池南草綠○張季鷹使

我有身後名不如生前一杯酒

贈安太師

獨龍崗北第三峯逋客歸來老更慵

逋客見北山移文

敗屋數

椽青繚繞冷雲深處不聞鐘

唐人詩重雲晦房嶽微鼓辨隘城此言陰晦之夕鼓

声絕彷彿耳亦猶鍾声為冷雲所隔而不之聞也

送李生白華巖修道

白華巖主是金僊假作山僧學道一作坐禪珍重此行吾

不及為傳消息結因緣白華巖在金陵即仙巖也巖主是為寶月禪師熙豐間人居巖

之絕頂持戒誦經猛獸馴伏客至則遣去又能以慧眼知人善惡事李生名无咎慕師之風棄儒從之介甫在金陵嘗遣人致師而不出邑人宋幹叔之子曰嚴日邁為余言如此

寄道光大師

秋雨漫漫夜復朝可嗟部屋望重霄豐上六豐其屋部其家遙知

宴坐無餘念萬事都從劫火燒劫火見寄國清外謙注

示報寧長老

白下亭東鳴一牛山林陂港淨高秋新營棗域我檀越

曾悟布毛誰比丘牛一鳴事出西域記○域一作棗字書棗木名佛書云印度國造寺檀越

名為寺王公嘗乞以所居園屋為僧寺乞賜額劄子云
臣幸遭興運超拔等夷知獎眷憐兼父子戴天負地
感涕難勝顧迫衰殘索捐何補不勝螻蟻微願以臣今
所居江寧府上元縣園屋為僧寺一所永遠祝延聖壽
如蒙矜許特賜名額度昭希曠榮遇一時仰憑威神誓
報無已公既捨宅為寺故云我檀越○會通問烏窠如
何是和尚佛法即於身上拈起
布毛吹之遂悟時謂布毛比丘

紅梨

紅梨無葉砒花身

陸魯望詩幾度木蘭舟
上望不知元是此花身

黃菊分香委

路塵歲晚蒼官纔自保日高青女尚橫陳

蒼官青女並
見上注○復

齊叢錄云荆公詩日高青女尚橫陳橫陳事見相如賦
及楞嚴經青女者主霜雪之神也事見淮南子公以青
女為霜於理未當如杜子美秋野詩云飛霜任青女乃
為當理梁昭明博山香爐賦云青女司寒紅花繁景亦
皆指為雪霜神矣
復齋之說姑存之

鳴

依倚秋風氣象豪似欺黃雀在蓬蒿不知羽翼青冥上

腐鼠相隨勢亦高退之病鴟詩晴日占光景高風送追

螂蛆甘帶鴟鴞嗜鼠蓋鐵論曰泰山之鴟啄腐鼠於窮

澤非有害人也今有司盜主財而食之焉得若泰山之

驢二首

力侔龍象或難堪維摩經云譬如龍象蹇踏非驢所堪

唇比仙人亦未慙大集經有臨路長鳴有真意盤山茅

子父同參鎮州普化和尚承嗣盤山嘗振一鐸行化城

頭驢師便作驢鳴臨濟乃休普

其二

雖得康莊亦好還柳子厚牛賦不如羸馱服逐駑馬曲

意隨勢不擇處所不耕不駕養叔自

與騰踏康莊出入輕率又谷問云且夫白羲賦耳之得
康莊也逐奔星先飄風而跛駢不出泥滓言於得意處
不恋亦知斂退每逢溝塹便知難謂無乘險由來此物
也康莊大路

非他物莫道何曾似仰山大集經大梅法常禪師一日謂其徒曰來莫可抑住莫可

追從容復聞鼯鼠声師曰即此物非他物汝善護持吾今逝矣僧問仰山和尚何似一頭驢

晚春

春殘葉密花枝少睡起茶多酒盞踈斜倚屏風搔首坐

滿簪華髮一床書刺客傳八尺屏風可超而越○王昌齡詩妻子歡同數株柳雲山老對一

床書○陳去非詩八尺屏風遮宴坐一簾細雨獨題詩疑傲公作也○藝苑雌黃云僧惠洪冷齋夜話載介甫

詩睡起茶多酒盞踈多字當作親字世俗傳寫之誤洪意蓋欲以少對密踈對親也予作荆南教官與江朝宗

匯者同僚偶論及此江云惠洪多妄誕殊不曉古人詩格此一聯以密字對踈多字對少正交股用之所謂蹉

也對法

樓上望潮

樓上人腸渴欲枯樓前終日望平湖無舟得入滄浪去

為問漁人得意無

杜詩肺枯渴太甚飄泊公孫城

寄李道人

即李士寧蓬州人曾慥集仙傳誤云資州人

李生富漢亦貧兒人不知渠只我知跳過六輪中要峭

養成三界外愚癡

六輪三界皆佛氏語

憶江南

城南城北萬株花池面冰消水見沙

韓詩江空水見沙

回首江

南春更好夢為蝴蝶亦還家

令狐楚詩縱有還家夢猶聞出塞聲○來鵬詩分明

記得還家夢徐孺宅前湖水東

對碁呈道原

北風吹人不可出清坐且可與君碁明朝投局亦未晚

從此亦不復吟詩

評曰造次古意可傳○投博局見戲贈兼致遠注言碁與詩之妨李也

謝微之見過

王哲字微之

此身已是一枯株

公詩累有枯木之語蓋晚而師瞿曇者也

所記交朋八九

無唯有微之來訪舊天寒幾夕擁山爐

惜春

滿城風雨滿城塵蓋紫藏紅漫惜春春去自應無覓處

可憐多少惜花人

唐崔櫓詩春意自知無主惜小杜詩莫怪杏園憔悴去滿城多少惜花人

寄北山詳大師

一作和平甫寄道光禪師

欲見道人非一朝杖藜無路到青霄千巖萬壑捩風雨

想對銅爐栢子燒

晉顧愷之還荊州人問以會稽山川之狀愷之云千岩競秀萬壑爭流

木蒙籠若雲丹霞蔚
東坡詩銅炉燒拍子

子貢

一來齊境助奸臣去誤驕王亦苦辛魯國存亡宜有命。

區區翻覆亦何人。

評曰信大於國身重於天下○奸臣謂齊田常也子貢雖說令無伐魯而

其詞云臣聞憂在外者攻弱今君憂在內故曰不如伐吳如此是助奸也○為吳之計莫急於破越子貢乃謂夫差王者不絕世伯者無強敵宜置越而伐齊又為吳東見越王令出師以從子貢去而之魯吳王果大破齊師於艾陵以兵臨晉敗於黃池越遂乘間滅吳故詩稱誤也○言國之廢興存亡自有天命乃飾詐設辭如儀秦之為雖能存宗國不足進也

王荆文公詩卷之四十八

王荆文公詩卷之四十九

鴈湖李壁箋註

須溪劉辰翁評點

律詩

仁宗皇帝挽詞四首

去序三朝聖二朝謂太祖太宗真宗○杜子美云九聖照龍衣行崩萬

國天列子天瑞筭篇杞國之人憂天地崩墮身無所寄發寢食者憂勤無曠古言勤勞無逸過

於商宗曠古所未有治洽最長年道洽政治潤生民仁育齊高厚哀思罄

幅員詩長發幅隕既長注幅廣也隕均也箋云隕當作員貞貞貞謂周也公詩用鄭箋史稱遺制之下雖深山

窮谷莫不奔走悲号而不絕豈非德欲知千載美道德

冠遺編仁宗御集一百卷如歌器後述政化述寶訓要言序觀文鑒古圖序皆列之卷首

其二

憑几微言絕

書顧命相被冕服憑玉几○前漢藝文志仲尼沒而微言絕

群臣涕泗

揮哀號三級陛

長安記含元殿前玉階三級第一級可高二丈許第二級第三級各高五尺間

以螭頭東西鱗次又賈誼傳故陛九級上廉遠地則堂高住級等也廉側隅也縞素九重圍

闡禁闡之義天子有九門謂闕門遠郊門近郊門城門

宰門庫門雉門應門路門也九辨云豈不鬱陶而思君也○退之詩豈識天子君九重鬱沉沉天上仙遊遠

宮中御座非最悲帷幄侍不復未明衣

漢昭未明求衣

其三

厭代人間世收神天上游遽然虛玉座不復望珠旒

天地篇千歲厭世去而上仙乘彼白雲至于帝鄉○選詩玉座猶寂寞柳子厚詩忽疑朝玉皇天冕垂前旒

待旦移巾幘饗人改膳羞

待旦對饗人恐兩句上必有誤周禮內饗注饗割烹煎

和之稱內臣昭信掌內寶十五年上嘗面尋常飛白几
戒曰動活之物不得擅烹深惡於殺也

寂寞暗塵浮魏公作哀冊文聖帝之揮千奇萬巧謂飛
白也歐公云仁宗萬機之暇无所翫好唯

親翰墨而飛白尤為神妙九飛白以點畫象物形而點
最難工至和中有書待詔李唐卿撰飛白三百點以進

自謂窮盡物象上亦頗佳之乃特為清淨二字以賜之
其六點尤為奇絕又出三百點外○梁武帝謂蕭子雲

曰蔡邕飛而不白羲之白而不飛
飛白之間在御斟酌耳事見廣記

其四

同軌群方至隱公元年天子七月而葬同軌
畢至注云同軌以別四夷之國因山七月

催文帝遺詔霸陵山川因其故无有所改因山為
藏不復起墳山下川流不絕就其水名為陵号永違

天日表李密見太宗曰龍
鳳之姿天日之表空有肺肝摧杜詩塌然
摧肺肝帳殿

流蘇卷李賀詩挂
帳流蘇暖鈴歌薤露哀後漢禮儀志大行載車
著白系參繆緋長三十

丈大七寸為輓六行行五十人公卿以下子弟凡三百
人校尉三人候司馬丞為行首皆銜枚羽林孤兒巴俞

擢歌者六十人為列鐸司馬八人執鐸先言挽
者振鐸而歌其声哀也 離騷經朝發軔乎蒼梧兮夕余至于 宮中垂

曉軔西去不更回 縣圃言宮車曉而發軔遂歸藏也

英宗皇帝挽詞二首

御氣方尊極 莊子御六氣之辨氣疑為御字緣下已有

化傳家 乘雲已沈寥 乘彼白雲 衣冠萬國會陵寢百神

朝 王維詩万国衣冠拜紫宸又退之太 夏鼎傳歸啓 謂

禹鑄九鼎史記帝禹東巡狩至于會稽而崩以天下授

益三年之喪畢益讓帝禹之子啓而辟居箕山之陽禹

子啓賢天下屬意焉及禹崩雖授益益之佐禹曰後天

下未洽故諸侯皆去益而朝啓曰吾君帝禹之子也於

是啓遂即天子之位此言 虞羹想見堯 後漢李固傳舜

嗣聖曆數所歸如啓也 誰當授椽筆論德在瓊瑤

其二

見堯於羹言聖情追慕

之切如舜之於堯也

玉冊上鴻名猶殘警蹕聲按治平四年正月庚戌朔宰臣韓琦等上尊号曰躡乾膺

歷文武聖孝皇帝至初八日上仙忽辭千歲祝祝聖人壽詳見

上虛卜五年征左氏襄公十三年石爨言於子囊曰先王卜征五年而歲習其祥注謂巡守征

行孫奭諫書陛下始畢東封更議羽衛悲哀送退之

西幸殆非先王卜征五年謹重之意羽衛悲哀送

曉出都門葬天子百里山陵指顧成謳歌歸聖子世孝在

持盈華曰西之民供厚陵之役不比嘉祐十分之一韓子

朕成先帝之志天下必不以朕為不孝○漢文紀注顧成廟應劭注言制度卑狹若顧望而成猶靈臺不日成

神宗皇帝挽詞二首元豐八年乙丑神宗升遐明年元祐改元公亦薨進

此詩時公為集禧觀使蓋自熙寧十年至是里居適九年矣

將聖由天縱語子罕天縱之將聖成能與鬼謀易天地設位聖人成能人謀鬼謀百

姓與聰明初四達雋又盡旁求評曰十字盡當日倚任

則以為謗諸老風流篤厚未嘗及此舜典達四聰

書序旁求儒雅說命旁招俊又列于庶位又聿求元聖

與之勗力言神考初御極勵精為一變前無古三登歲

治欲追三代之時也公亦以自與

有秋謳歌歸子啓欽念禹功修語魯一變至於道此言

也前漢食貨志民二年耕則餘一年之蓄餘三年食

進業曰登再登曰平餘六年食三登曰太平二十七歲

餘九年食然後至德流洽禮樂成焉故曰如有王者必

世而後仁繇此道也盤庚若農服田力穡乃亦有秋

未句啓後來紹述之張本

其二

城闕宮車轉山林隧路歸言自城闕而歸山林亦古詩

請隊襄王曰王章也蒼梧雲未遠姑射露先晞舜葬於

野雲則乘彼白雲之意蒼梧姑射皆指舜葬於

陵闕也杜詩回首叫虞舜蒼梧雲正愁玉暗蛟龍蟄金

寒鴈驚飛

評曰尋常對偶而有以為極工者○西京雜記曰漢帝及諸侯王葬皆珠襦玉匣形如鎧

甲車以金綫匣上皆綫為蛟龍鳳龜鱗之象時謂蛟龍玉匣○玉暗亦言歲久玉色故暗也○易龍蛇之蟄

以存身也又杜詩蛟龍欲蟄寒沙水○昭公四年金寒

群飛戲於沙瀨羅者得之乃真金見也昔破鄴山之墳

行野者見金見向南而飛至空鼎元年張善為日南太守郡民有見金見以貢善善博識多通考其年月即是

秦皇墓金見也即如此非佳語○劉向傳諫厚葬疏水

銀為江海黃老臣他日淡湖海想遺衣

遺衣如黃帝昇天遺弓劍之類

太皇太后挽詞二首

慈聖光獻仁宗曹后也元豐二年庚申十月二十日

上仙明年二月山陵詔百官各進挽詩二首公時奉祠里居於此

國賴姜任盛門歸馬鄧高

詩厥初生民時維姜嫄后稷母也大明詩太任有身生此

文王後漢明帝明德馬后和熹鄧后○后祖關雎求窈父贈唐王彬父玘尚書虞部員外郎故三尚高

窈卷耳念勤勞

評曰十字欲不可動○閔睢窈窕淑女寤寐求之○郭氏既退上聘后入宮詔

平章事李迪參知政事王隨持節授冊立為皇后妙選而入故云求也○卷耳知臣下之勤勞內有進賢之志

公詩義云卷耳言后妃之志后妃不得預闕外之事而其所以輔佐君子思相與濟大業者乃其志也惟有是

心則其於險波私謁敗德亂政之事遠矣公意蓋謂可以有其志不可有其事也是時臣僚如吳丞相沖卿從

臣元絳王存鄧潤父何洵直皆廷詞傳於中外或謂公閔睢卷耳之句固美矣然止后妃事而已此可謂繆論

詩固當摠論平生之美何嫌言后聖淑才難擬休明運妃事耶况後篇又用啓母文母事

繼遭岡原今獻卜維哀正攀號聖淑休明謂定儲嘉祐復辟治平又神庶御製

詞亦云燕翼功參九安祭世歷二也時高太后向太后皆侍國史稱后才高慮深至和嘉祐中仁宗數得疾或

至危殆不知人天下憂恐賴后扶持卒無事治平熙寧時陰功隱德著於天下升遐之日四海想慕老臣宿將

尤哀不自勝○英宗感疾后垂簾听政二府每於前殿奏事罷詣小殿奏太后后意有疑其未盡者則曰公等

更議之再奏盡善乃可未嘗自出已意事涉曹氏及內臣者无絲毫優假中外章奏下一二府者日不裁五十通

二府考會擬議近者數日遠者旬月然後進呈后一
記率大意无所忘失富弼時為樞密使退謂副使吳奎
曰君名強記能如是乎奎曰奎於經史誦之五十過則
終身不忘至於公文叢委一覽而記之非所及也后博
覽經史往往成誦每議政事多引以為證觀此
可見后之才東坡所謂高出古人之右信矣

其二

塗山女德茂京室母才難

塗山啓母也漢外戚傳自古受命帝王及繼体守文之君

非獨內德茂也蓋亦有外戚之助焉○周頌思齊思媚
周姜京室之婦注京室王室也○語才難不其然乎唐
虞之際於斯為盛有婦人焉九人而已注謂文母○后
待裕陵慈愛天至上御朝退稍晚后必自至屏袞候之
或自持飲食以食上始終十餘年外廷不盡知在仁宗
時英宗方四歲仁宗命后鞠養後雖出外邸問賜不絕
宣仁聖烈皇后之甥也亦四歲與英宗同時鞠於后
所后深愛之仁宗謂后他日必以歸英宗后許諾仁宗
晚年春秋高繼嗣未立天下寒心后居中佐大策遂
以英宗為子入居慶寧宮后待之恩意尤密嘉祐末仁
宗中夜暴得疾崩后令左右母得輒動斂諸門鑰悉置
於前乃發喪授衛士甲宿衛畢召皇子入左右請帝即

位后曰不可須宰相至乃召韓琦等及明宰臣等方入
時至慟哭不敢發言后曰皇子先帝所立於是琦奉英
宗即位尊后 具美多前志餘光末後觀韓文純云具美

并美具○神廟御製軒 遺衣遷館御祖載出宮敢蔡邕

輝雖揜北風教自存南 遺衣遷館御祖載出宮敢蔡邕

思皇后相載之時東郡有盜人妻者亡在孝子中陸士衡
詩死生各異論祖載當有時注祖始也謂移柩車為引

始終始神孫孝長留萬國歡得萬國之歡心○神宗即

位易后宮名曰慶壽上事致極誠孝所以娛悅后無
不至在宮中從后行必扶掖視膳定省唯謹元豐元年

正月望夜后以齒疾不御樓觀燈閏月望夜上於禁中
為后再張燈靈臺妓樂俱入后嘗幸金明池上豫為百

院檢詳官薛昌朝以上壽嘗得水疾御醫不能愈會樞密
知之即召入治后亦愈上大喜除辛翰林醫官賜金紫

服賞資甚厚故事外家男子未嘗得入謁后既高年多
疾后亦老上常為后言宜數召見以自慰擇后輒不許

請迂后官亦不許一日后因侍上從容上固為之請得
入謁后乃許之意后遽謂后曰此非若所當留也輒隨上

出上既除后喪每朝謁景靈哀慟左右間召侑子評誘
至神御前行家人禮六年正月當朝謁諫官趙彥若言
竊見聖情思慕猶如前時公卿侍臣無不惻楚慶壽變
除歲月漸遠而少陽用事生氣尚微若孝思發中或復
感動慮於時令有所未順欲望抑忍聖意奉承天時上
雖嘉其言及朝享哀慕如初右國史並載可見裕陵始
終孝愛之盡范忠宣作光獻挽詞亦云
聖主孝思形四海千秋萬歲詠承熙哉

吳正肅公挽詞三首

公名育嘗奉賢良終河南守
葬鄭介甫峯進士時公知奉

昔繼吳公治今從子產游

漢一河南守吳公治平為天下

仲尼聞之出涕曰古之遺愛也

里門無舊客鄉國有新丘

歐公作吳墓誌云吳氏世

為建安人自曾高以來皆葬建州之浦城至公始葬其
皇考于新鄭公從葬焉若言鄉國當謂建州今顧指新

鄭蓋正肅已葬親於鄭矣謀讓禪謀遠文歸賈誼優此時辜怨寵西

望涕空流

襄公三十年禪謀能謀二於野則獲謀於邑
則否○公天聖中試禮部為第一遂中甲科

時年尚少怨寵事未詳

其二

從容邊塞議慷慨廟堂爭

元昊初叛公獨言夷狄不識禮義宜勿與校許其所求彼

得無詞以動然後飭邊備以待之時方銳意攻討不以爲然卒如公策○公嘗與賈丞相爭事上前殿中人皆

失色公論辨不已既而曰臣所爭者職也顧力不能勝願得罷去時爲參知政事公在政府又嘗論駁魚周詢

乞因災異方試賢良事曲突非無驗方穿有不行霍光傳今論功而請賞曲突徒

薪亡恩澤焦頭爛額爲上客○史記淳于髡曰稀膏棘軸所以爲滑也而不能運方穿朝廷一作搢紳

終倚賴賻襚極哀榮公始自樞府出連典數州後卒召還判都省除宣徽使帥鄜延改何

中豈愧一作慕公孫相平生慕一作李董生轅固言公孫子務正李以言無

曲李以阿世此言公以直道卒不至宰相

其三

應世文章手宜民政事才

公爲政簡嚴所至民樂其不擾去雖久愈思之知襄城縣

宗室宦官往來上冢不敢犯治開封尤先豪朝多側目

滑曰吾何有以及斯人去其為害者而已

忌士有拊心哀仁宗嘗語輔臣吳育剛正可用但嫉惡太過耳觀此宜為小人所忌也汲黯傳

令天下側目而視矣○古詩書蠹平生簡香寒後夜灰

苦哉遠征人拊心悲如何

悠悠國西路空得葬車回吳葬鄭州

功名烜赫在三朝經術從容輔漢條文元天禧元年以文章召試賜同進

士出身以經術大顯於仁宗時卒儒服早紉丞相紱文元慶曆

於英宗治平二年七月故云三朝賢相兩月升昭文相

五年自樞密使拜集戎冠再插侍中貂戎冠謂帶節鉞也文元皇祐元

年以檢校太師兼侍中判鄭州嘉祐元年判大名時又進封許國公兼侍中方避未聽而以樞密使召卒罷侍中乃帶平章事兼樞密使二年以鎮安節右僕射檢校太師兼侍中充景靈宮使至治平元年求還侍中至六云臣伏見正侍中自國朝以來罕曾除授如賈昌朝文

彦博輩皆以節度使樞密使兼領至於真拜則自范質
趙普後惟丁謂馮拯韓琦以受遺宰相故有殊命今來
富弼已當大任欲乞因其固辭與免兼侍中遂其謙守
開倉六塔流民復出甲甘
陵叛黨銷被水百姓舍其流棄接以醫藥所活九十餘
萬口○甘陵貝州也公安撫河北王則反貝州丞命部
將王信孟元郝質持兵操攻具往且請自出搏賊不許
終賊所以東第抵今空畫像當時於此識風標如傳居
破功居多也
列東第師古曰東第甲宅也居帝城之東故曰東第

其二

銘旌蕭颯九秋風
薤露悲歌落月中
華屋幾人思謝傅

華屋用羊曇事佳城今日閉滕公
西京雜記滕公得石槨銘曰佳城鬱二二二千年見白日吁

嗟滕公居此室名垂竹帛書勳在神寄
丹青審象同天上
貂蟬

曾夢賜歸魂應侍紫陽宮
吳曾漫錄賈文元公母史夫人方妊娠父注夢使者持大

笥奉貂蟬紫綬玉簡揖令受賜既寤告史曰若生子必
為宋輔翌日生文元公命名昌朝○子山作張樂全挽
詩聞道騎箕尾還應事玉宸皆言死而復為仙也○張
賈詩酒後只留滄海客香前惟見紫陽君又李涉黃葵
詩好逐秋風天上去
紫陽宮女要頭冠

晏元獻公挽詞二首

殊字同叔

文章晉康樂經術漢公孫

比之謝靈運公孫洪與曾子固作公類要序皆有微意

舊秩疑丞賈前功保傳尊

公薨時階已儀同三公先雖遷尚書左丞忍非指此蓋前

丞後疑在古皆宰相也○前功必謂公在仁宗為諸副時居保傅之任也初公任館職真宗嘗諭大臣近聞館

閣臣僚无不嬉游宴賞惟殊杜門與兄弟讀書如傳呼此謹厚正可為東宮官後卒相仁宗實基於此

猶在耳會哭已填門蕭瑟城南路鳴笳上九原

柳子厚書排門

填戶○九原出檀弓公葬陽翟

其二

終賈年方妙蕭曹地已親

杜詩扈聖登黃閣明公獨妙年蕭曹言故人也終賈謂公

以童子被遇為宮官優游太平日密勿老成人抗論辭多秘賡歌

迹已陳功名千載下不負漢廷臣

公既左右東宮真宗所咨訪多以方寸小

紙細書問之由是參預機密凡所對必以其藁進示不洩其後悉閱真宗閣中遺書得公所進藁類為八十卷

藏之禁中人莫之見也○賈誼傳漢廷臣无出其右者

其三

感會真竒遇飛揚獨妙齡他年西餞日此夜上騎星

書

錢納日平秩西成○騎星謂送真席山陵也傳說事見莊子楚詞亦云竒傳說之說星辰兮美韓衆之得一

宿惠留藩屏餘忠在禁廷音容無處所髮髯寄丹青

公

為應天府穎陳許州知承兵軍徙河南府皆有惠政○公喜薦士其得人最多范忠文挽公詞亦云平生欲報

國所得是知人而公詩乃不及此

韓忠獻挽詞二首

琦字稚圭

心期自與衆人殊骨相知非淺丈夫

南史向柳傳柳與頽峻友善及峻貴

柳猶以素情自許不推先之范瑒戒柳曰名位不同禮亦異數卿何得作曩時意耶柳曰我與士遜心期久矣

宣事繫獄峻竟不助之柳遂伏法獨幹斗杓環帝座親

扶日轂上天衢公為相十年雖有同相者而大事多公

未立公乞立皇子是為英宗英廟屢疾公又乞早定國本以安衆心乃立穎王為皇太子時治平三年十二月

也。神宗旋即尊位鋤稷萬里山無盜商君傳山袞繡三朝國有

儒宗三朝謂相仁英宗神宗爽氣忽隨秋露盡唐憑陳迹在龜趺

令五品以上墓表為龜趺螭首高九尺七品為碣方跌圓首其高四尺也

其二

兩朝身與國安危典策哀榮此一時公與魏公啓云英宗以哀疚荒迷慈

聖以謙冲退託內揆百官之衆外當萬事之微國无危
疑人以靜一周勃霍光之於漢能定策而終以致疑姚

崇宋璟之於唐善致理而未嘗遭變記在舊史號為元
功未有獨運庶堂再安社稷弼亮三世救寧四方岷然

在諸公之先煥木稼曾聞達官怕山頽果見哲人姜唐
乎如今日之懿

書讓皇帝傳云開元二十九年京城寒甚嚴霜封樹時李
者以為春秋雨木冰即此是亦名樹介言其象介冑也

憲見而嘆曰此俗所謂樹稼者也諺曰樹稼達官怕必
有大臣當之吾其死矣十一月薨元豐初雨木冰又

華山崩故以為公薨之應介父最不喜劉向諸儒洪範
傳傳會災異之說獨此推之於事云檀弓哲人其萎

乎
英姿爽氣歸圖畫茂德元勳在鼎彝幕府少年今白

髮傷心無路送靈輜評曰語意甚悲謂有憾非也○范

鍾漏尺高名長與日星垂○幕府少年事見入瓜步望
揚州注○陸士衡詩舍爵兩盤位啓殯進靈輜王莽造

華蓋車百官竊言此似輜車非仙物也褚彦回傳先是
度姓三公未有定格王儉議官品第一皆加幢絡自彦

回始王禹玉作公挽詩云淮南
別乘人空老猶憶當時醉吐茵

故相吳正憲公挽詞

丙魏雖遭漢道昌豈如公出值虞唐秀鍾舊國山河氣

榮附中天日月光更化事功叅虎變贊元時序得金穰

傷心鼓吹城南陌回首新阡栢一行評曰乃極不滿耳

之弟建安人蓋閩產也或言秀鍾舊國之語意若譏吳深中○吳變法時大用故云參虎變介父於吳最厚介

父罷吳始相陰欲有所變更稍進介父所斥逐之人韓維呂公著等介父此語似言其初未嘗不同也○易革

卦大人虎變未占有孚取更革之義○金穰見天官書又貨殖傳故歲在金穰水毀木饑火旱旱則資舟水則

資車物之理也○袁子正書歲在申酉乞漿得酒申酉屬金亦謂金穰

王荆文公詩卷之四十九

王荆文公詩卷之五十

鴈湖

李

壁

箋註

須溪劉

辰翁

評點

律詩

孫威敏公挽詞

沔字元規

功名一世事興廢豈人謀

評曰

起得慨歎○言士之立功名休戚關於天下非一身

之計其興廢成敗非人力所能為也嘉祐間參政王堯臣死帝欲召公而未果樞密使田況病帝又屬意公言

者遂力攻公守杭及并所為多不法卒由此謫重為蒼生起終隨逝水流淒涼

歸部曲零落掩山丘許國言猶在姦諛可使羞

沔三知慶州邊

人服其能後又安抚廣南助狄青平儂寇英宗初數與執政議守邊者難其人歐陽公言慶曆罷兵以來當時

更事舊人推孫沔在雖中以罪廢然棄瑕使過正是用人之術乃以資政觀文再起帥西陲旋卒○鮑昭詩將

軍既下世部曲亦罕存曹子建詩零落歸山丘○西會稽人景祐初為御史坐言事連斥旋擢諫官益有直名後為陝西轉運使上書斥呂夷簡多忌不用正人先出鎮許昌乃薦王隨陳堯佐代已專引不若己者為自固之計欲使陛下知輔相之位非已不可冀復思已而見用也今其求罷若復不救前過是張禹不獨生於漢李林甫復見於今帝不之罪議者以為蹇切

崇禧給事馬兄挽詞二首

給事名中甫廬江人晚知通進銀臺司提

舉江寧府崇禧觀銀臺主封駁後改為給事中馬與公同年卒於元豐三年冬

慶曆公偕起元豐我獨傷兩楹終昔夢五鼎繼前喪

夢坐奠於兩楹之間○孟子之後喪踰前喪前以三鼎而後以五鼎故士祭三鼎大夫祭五鼎薰歌曾

攀桂甘留所熱棠

詩曰句好○樂天賀座主拜太常詩共仰曾攀慶年深桂尚薰○詩甘棠

蔽芾甘棠勿剪勿敗召伯所憩○馬為登封縣募民鑿輟轅為通塗將漕淮南言颶江諸州民有米而无官采

若移采颶江則穀售不至傷農而真揚以北无踴貴之患徙江淮發運使自供澤鑿渠六十里以避長淮漕運

之險凡此素風知不墜能世有諸郎君之子玕瑛瓊瑤瑋皆未聞顯者臧仕差遂

其二

藏室亡三篋得之公最多漢張安世傳上行幸何東嘗亡書三篋詔問莫能知惟安

世識之具列其事按馬未嘗為館閣然父亮事仁英朝為名臣意中甫必諳知朝章國典故用安世事以比之

露晞當晚景川逝作前波惠寄輿人誦悲傳挽者歌你

西携手颺清洒一作灑山河輿人誦用子產事見左傳襄公二十九年○酉陽雜

俎云田橫死從者不敢哭為歌以寄哀摯虞新禮議挽歌出於漢武帝役人勞苦歌聲哀切遂以送終非古制

也工部郎中嚴厚本云挽歌其來尚矣據左傳公會吳子伐齊將戰公孫夏卿命其徒歌虞殯示必死也○馬

嘗一再知揚州公必嘗與相會故云竹西也杜牧詩斜陽竹西路歌吹是揚州○清洒灑山河疑作清酒謝承

書言徐穉為諸公所辟雖不就死喪負笈赴弔常於家豫炙雞一隻以兩綿絮漬酒中暴乾以裹雞徑到

所起冢隊外以水漬綿使有酒氣斗米飯白茅為藉以雞置前醢酒畢留謁而去不見喪主公此詩意蓋言道

遠不能
往弔也

陳動之秘丞挽詞二首

年高漢賈誼官過楚荀卿望古君無憾論今我未平

甚頓挫抑揚何也○賈生沒時年二十三荀卿趙人仕齊三為祭酒仕楚為蘭陵令卒葬蘭陵故係之楚○比

君荀賈亦可無憾耳若眎世之庸庸躡居顯重以君之才顧僅止此則不能不使人之不平也有風吹

畫簷無日照佳城空復文章在流傳世上名

其二

人間三十六追逐孔鸞飛似欲來為瑞好如何去不

歸三十六謂動之所得之年以前篇年高漢賈誼之句考之即可見○唐書人瑞有鄭仁表琴樽已

寂寞筆墨尚光輝空復平生友西華豈易依劉峻見任昉諸子西

華兄弟等流離不振平生舊友莫有收恤西華冬月著葛屐練裙路逢峻峻泫然矜之乃廣朱公叔絕交論到

慨見其論抵几於地終身恨之公用此事必有所指

贈尚書工部侍郎鄭公挽詞

召溪胡仔云鄭兵部仲賢工部文寶

不知其果一人耶果二人耶趙清父云按國史鄭文寶字仲賢此當是指文寶也

地蟠江漢父知靈通德門中見老成

左太冲蜀都賦近則江漢炳靈世載

其英○鄭康成通德門

南去伏波推將略北來光祿擅詩名

馬援為伏

波將軍○小杜寄宣州鄭諫議詩五言寧謝頽光祿百歲頽齊衛武公嚴武詩可以步兵偏愛酒也知光祿最能詩光祿謂謝莊

頽延年皆為光祿

密章贈綖連三組畫翼喪車載一旌

劉禹錫為杜司徒謝追贈表紫書忽降於九重密印加榮於厚夜印即章權載之渾城墓銘亦曰綖印易名以

尊以飾又王定神道碑銘云密印金貂綖于墓門○王崇術神道碑銘云沒代流慶密章下賁○李國真神道

碑銘曰煌二密章肅二絲言○杜牧上周相公書楊僕三組垂腰蘇秦六印在手楊僕傳懷銀黃垂三組師古

曰銀二印也黃金印也僕為主爵都尉又為樓船將軍并封梁侯故云三組○翼者車飾也檀弓下曰周人齋

置翼董勛荅問曰翼似屏風人持隨車前後左右也檀弓上曰銘明旌也以死者為不可別故以其旗識之

陰德故應多後福可能生子但升卿後漢虞詡上疏薦議郎左雄曰今公

卿類多拱默以樹恩為賢盡節為愚至相戒曰白壁不可為咨二多後福○虞詡祖父經曰吾決獄六十年矣

雖不及于公其庶幾乎子孫何必不為九卿故詡字升卿

致仕虞部曲江譚君挽詞

同時獻賦久無人握手悲歡迹已陳李端贈康洽詩同時獻賦人皆盡共

壁題詩君獨存○蘭亭序俯仰之間已為陳迹他日白衣霄漢志暮年朱紱水

雲身杜詩空餘棟梁具無復霄漢志虛容劔几今長夜

小隱山林祗舊春豈惜埋辭追往事齒衰才盡獨傷神

宋鮑昭高里歌虛容遺劔佩美兒戢衣巾○退之王適銘鑽石埋辭以列幽壚○才盡用江淹事

馬玘大夫挽詞

冠蓋青門道知君自少時漢長安有青門取以為此從容他日喜奄

忽暮年悲江月明丹旆湖風冷總帷音容雖可想才力

竟何施小杜祭韓公文想像音容思惟恩紀○公有祭玘文稱其剴劇撥煩為時能吏

蘇才翁挽詞二首

空餘一丹旆無復兩朱輪寂寞蒜山渡陂陀京口原音

容歸繪畫才業付兒孫尚有故人淚滄江相與翻按才翁名

舜元祖易簡參知政事父耆終工部郎中直史館娶王文正公之女生三子皆有才名而才翁最長七歲能為

歌詩文正公愛且奇之奏授同學究出身時詔復唐進士科而新令門選者不得與焉君乞還所有官應詔不

得報乃上所著文章召李士院試賜進士出身後侵顯以弟舜欽謫死湖州求江吳一郡平居譚辨唐數百年

間喜稱魏鄭公諫諍裴晉公德業李臨淮將兵衛公廼邊事劉忠州通流財利韓退之文章類此數人而已其

議當出入漫不省記以是予者益少然泣官當事定慮列借出入漫不省記以是予者益少然泣官當事定慮

果決所至制束強黠敦尚風儀其為文不迹故陳自為
高古雖所不與者亦不能掩也○退之祭嫂文水浮陸
走丹旆翩然○韓詩云憐
慨為悲咤浹如九河翻

其二

翰墨隨談笑風流在弟兄浮名同逆旅壯志負平生使

節何年去喪車故老迎悠悠京口外落日照銘旌張耒明道

雜誌稱才翁之詩与翰墨皆過子美而世人不盡知也
范公希文嘗為才翁作黃素小楷伯夷頌書尾云書札

亦要切磋未是麴無惜見教時皇祐三年才翁以度支
郎中為京西轉運使范公為青社才翁又有詩謝范公

及路公題跋云台文競耀
高逾麗化筆交揮老更閑

王中甫學士挽詞

王介衢州人嘉祐六年
年与二蘇同中制科

同學金陵最少年奏書曾用牘三千盛名非復君人後

壯歲如何棄我先

齊東昏侯明帝子帝嘗戒曰作事不
可在人後賈充謂庾純君行常居人

前今何以在後三千續見史記東方朔傳中甫仁宗時以制策登科故詩有續二千盛名之句東坡亦嘗為作挽詩遺其種橘園林無舊業採蘋洲渚有新篇蒜山東子沈之

路春風綠埋沒誰知太守阡種橘用李衡劉長卿送李中丞詩罷歸無舊業老去

亦明時○據諸公多言介心疾故公前詩賦以白蘋洲諸正滄波之句今又及蘋洲事疑猶前意劉貢父在試

院因爭畜字與介件後與歐公書云其愚贛孤賽前在試院不幸與小人共事論議之間為所詬辱既素知其

心病狂易都與包含隱忍未嘗酬對據此則介之心疾似有之矣

王逢原挽詞逢原名令廣陵人累見前注公嘗銘其墓

萬里竟何在死生從此分謾傳仙掌籍誰見鬼修文神

傳拾遺木公亦云東王父亦云東王公亦號玉皇君真僚仙宮巨億萬計各有所賦皆稟其命而朝奉翼衛故

男子得道者名籍隸焉○白樂天詩但恐長生須有籍仙臺試為檢名看○鬼修文真誥卜商等為地下修文

郎蔡琰能傳業侯芭為起墳傷心北風路吹淚濕江雲

韓詩中郎有女能傳業伯道无兒可保家中郎謂茲不豈
談其女也言逢原無子僅有女○揚雄傳雄天鳳五年
卒侯芭為起墳喪之三
年○今葬常州武進縣

葛興祖挽詞

興祖名良嗣年四十餘始以進士
出仕州縣餘十年窮於无所遇以

死公嘗銘
其墓云

憶隨諸彦附青雲場屋聲名看出群

興祖當天聖嘉祐
間兄弟皆以文有

声赫然屢試進
士角出其上

孫寶暮年猶主簿卜商今日更修文

孫寶

傳御史大夫張中丞署寶主簿徙舍祭竈請比鄰忠使所
親問今兩府高士俗不為主簿子既為之徙舍甚說何
前後不相副也與祖
卒於許州長社簿 山川凜二平生氣草木蕭二數尺

墳欲寫此哀終不盡但令千載少知君

介甫誌與祖
墓追悼甚切

王子直挽詞

多才自合至公卿豈料青衫困一生

劉貢父作子直哀
詞亦云神俊清而

骨單吾固亦以君為疑然則王太史有書能叙事子雲

之不為公卿亦自其骨相也耳

於世不微名曾子固序吾友王氏兄弟曰回深父曰向子直曰罔容季皆善屬文長於叙事深父

尤深而子直容季皆能稱其兄也○司馬迂傳自劉向揚雄博極群書皆稱迂有良史才服其善叙事理辨而

不華質而不俚○揚雄不汲汲於富貴不戚戚於貧賤不脩廉隅以微名當世丘墳慘淡箕山

綠門巷蕭條潁水清握手笑言如昨日白頭東望一傷情

孫適挽詞

曾南豐嘗為適書墓見本集

喪車上新壟哀挽轉空山名與碑長在魂隨帛甦還

檀弓

重主道也注始死未作主以重主其神也今人始死結帛為之謂之魂帛亦主道也無兒漫黃卷

有母亦朱顏俛仰平生事相看一夢間

處士葛君挽詞

楚人黃歇地晉代葛洪家獨特

一作

擅山川秀相承蔽冕

華猗君有清尚於世不雄誇令子能傳業流光未可涯

據春申君所都乃故吳國即無錫惠山上有春申君廟疑此地近之或言黃州十五里許有永安城圖經以為春申君故城非也○晉書葛洪丹陽句容人丹陽與无錫接近據此則黃州圖經之誤甚明○據洪祖係吳大鴻臚父偉晉邵陵太守洪位散騎常侍領大著作

追傷河中使君修撰陸公三首名經字子履

文采機雲後知名實妙年銀鈎工壯麗金薤富清妍韓

臨風一揮手金薤垂琳琅謂文彩也非字畫之謂批鳳多新貴凭熊數外遷空

令猗氏監遺愛有良田中書謂之鳳池未見批字出處李藩為給事中制有不便就勅

尾批却之給事屬門下省不應言批鳳也據齊高帝使江夏王孝鳳尾一字便工帝以玉麒麟賜之蓋諸侯牒

奏皆批曰諾二字有尾若鳳焉○漢制公列侯安車倚鹿較伏熊軾又杜牧詩曾經觸虜尾猶得凭熊軒○九

域志河中府猗氏以猗頓所居因為猗氏

其二

皖城初得故人詩，歎息龍媒蹀壯時。

言得詩未久陸已亡儲光羲詩君門

峻且深蹀足空夷猶

太史滯留終不偶，中郎制作遂無施。

太史公留滯周

南不得與從事中郎制作謂蔡邕也邕為漢史以被誅竟不就

二千石祿今何有，四十

車書昔謾知。

劉夢得詩謾讀圖書四十車年年為郡老

徙居書

海曲冷雲埋拱木，延州空掛暮年悲。

信公三十二年爾何

知中壽爾墓之木拱矣注云合手曰拱言其過老不可用

何枝好

其三

前旌一幅粉書銘，行路知君亦涕零。遂失詞人空甫里，

謾留悲鶴老華亭。

甫里謂龜蒙也華亭士衡也皆陸氏事

主張壽祿無三

甲收拾文章有六丁

管輅言吾額上無生骨眼中無守精鼻無梁柱脚無天根背無三甲

腹無三壬皆不壽之驗樂天哭皇甫七詩多才非福祿

琅仙官勅六丁雷電下取將異人記上元中道士王遠

知善易知人死生禍福作易摠十五卷於是一日雷雨

風霧中一老人叱曰所出者何在上帝命吾攝六丁雷

電追取遠知惶懼據地旁有六丁人青衣已捧書去矣

○詩話云嘉祐初王文公陸子履同在書林日者王生

一日見兩公言自此十五年出將入相顧季士無背仕

宦齟齬多難且壽不滿六十年官不至待從皆如其言子

履死家人夢云帝命同宋次道修官制九吾平生所著

我官書可盡焚之末歸馭仙龕應不遠新墳東見海山

幾朝廷果修官制焉

青

白公詩近有人從海上回海山深處見樓臺中有仙龕虛一室多傳此待樂天來

悼慧林

休公遂不起難料復難忘玉骨隨薪盡空留一分香

古詩

易知復難忘○觀音一分奉多寶佛塔

求壽縣太君周氏挽詞二首周氏鄧忠臣母也

求壽開新邑長沙返舊壑金葩冷鈿軸粉字暗銘旌
露難濕蘭餘風尚清慶鍾知有在令子合升卿

其二

子引金閨籍身開石窆封撰詩繆通金閨籍成二年辟司徒之妻齊侯與之石窆

靈輜悲吉路象服儼虛容詩君子偕老云象服是宜箋云象服謂揄翟闕翟也楚

挽雖多相乘衣不更縫誰知逝川底劍自喜相從乘衣老萊

子戲綵之服○退之集挽歌云鳳飛終不返劍化會相從

淵師示寂公自題云殊勝淵師八十餘因見訪問之近來如何荅曰隨緣而已至示

寂作是詩

寄託荒山鬼與鄰一生黃卷不離身杜牧之詩甯逐空山與死同○參同

契委時去害依託立山循游寥廓與鬼為鄰化形而仙倫寂無聲○黃卷謂經卷為百年薪盡隨

緣去莫學緇郎更悞人薪盡已見上注○唐書崔胤傳胤父慎由晚无子遇浮圖以術

求乃生胤字緇郎及為相其季父審暗曰吾父兄刻苦以持門戶終為緇郎壞之

弔王先生致

處士生涯水一瓢行年七十更蕭條老妻稻下收遺秉

稚子松間拾墮樵詩小雅大田彼有遺秉此有滯穗注秉把也雖有聲名高

後世且無鱸粥永今朝窮竟散漫知何處甬水東西不

可招史記越王夫差於甬東賈逵注甬東越東鄙甬江東也韋昭曰勾章縣東夾口外洲也據此則王君

必越州人○劉得仁弔人詩云君苦為詩身到此水竟雪魄已難招

哭張唐公

堂一作棠邑山林久寂寥屬車前日駐雞翹冥冥獨鳳隨

雲霧一作知南陌空聞引葬簫前漢周勃常以吹簫給

鳳寥二有時隱碧霄來下聽還近

宋中道挽詞

宋敏修參政之子宋長子敏求字次道敏修字中道敏求終龍圖閣

學士敏修乃不得一館職敏求疾革遺奏乞官敏修之孫而不與其子時論高之

文史傳家學聲名動帝除蘭臺空作賦金匱不讎書勝

事悲疇昔清談想緒餘吹簫索上去歸國有魂車索上謂索

水也距汴四十里即為古索河也

葛郎中挽詞二首

葛源字宗聖廬州麗水人終度支郎中湖北路提刑介甫

書宗聖墓有云中貴人擊驛吏取所給過家以言府府不敢劾公曰中貴人何憚為吾民

而有陵之者吾亦耻之上書論其事中貴人坐絀此公之為縣於雍丘也屬吏嘗有隙於

公同進者因讒之公察其旨不聽以為舉首此公之為州於南劔也又銘曰士窾以養交

兮官之不思維公之所至兮樂職嗜事彼能顯聞兮公則不晰不銘示後兮孰勸為卒

卷卷總帷輕空堂晝哭聲

檀弓穆伯之喪敬姜晝哭文伯之喪晝夜哭孔子曰知禮

矣衣冠餘故物杯按若平生白馬有悲送赤車非古行

低徊九原日光景在銘旌

後漢范式與張元伯為友及張死巨卿素車白馬往送其

葬○太常朝陵赤車千乘此漢制非古也疑後世士夫葬亦或用赤車○古行疑是吉行賈捐之傳吉行日五

里十

其二

蠻荆長往地湖海獨歸時
旅櫬蛟龍護銘旌鴈鷺隨
此生要有盡何物告無期
一片幽堂石公知我不欺

補註

贈尚書工部侍郎鄭公挽詞○王少卿塵史鄭

工部文寶將漕陝西經畫靈武後謫監郢州京山縣

稅過信陽軍白雪驛作絕句久而湮沒莫有知者先
君皇祐間尉是邑重書于牌後亦亡近郢州刊工部
詩凡三百餘首杜工部在京山又有寒食日經秀上
人房詩云花時懶看花來訪野僧家勞師擊新火勸
我兩前茶其詩篆書刻石在縣多寶寺中據塵史所
記則詩所稱將畧詩名不虛矣

王荆文公詩卷之五十

王荆文公詩李雁湖箋注先六世祖嘗得華山馬氏元刊五十卷本於乾隆辛酉之歲覆刻行世中經洪楊之亂板久散佚書亦不易得矣余幼嗜此書訪求十餘年既官京師始得之是書自元大德刊行後未有別槧四庫著錄亦吾家刻本日本有翻雕者然中土流傳絕少先人有言是書之善不獨援據該洽可號王氏功臣又引鄉賢姚村祥語謂藏書於家但知秘惜為藏不知傳布為藏余悚然以是為懼顧原書第三十卷第五十卷失去兩末葉亟思蒐補以償先人未竟之願再謀剞劂偶檢宜都楊惺吾叅贊日本訪書志有朝鮮活字本完善無缺且附年譜亟遺書往索既得楊君慨焉錄寄欣感交集即思付印會有歐美之行事遂中止

歸未及暮復覲國變俯仰身世百念俱灰撫茲遺編愴然不知涕之何從也是時故家藏書多坐兵燹散出江安傅沅井同年自京師來訪謂道出蘇州見有元刊本為李滄葦故物已為余購留展之則第三十卷第五十卷兩末葉均存而年譜且有撰人名氏沅井勸以此本景印謂留存須溪評點雖違先志然不失昔人面目亦祖庭遺訓也余以失去他卷十餘葉仍非足本未遽決友人日本長尾雨山先生謂彼國宮內省圖書寮有是書可以摹寫且引為己任不數月以寫真版來所缺之十餘葉僅欠其一復就江南圖書館所儲殘本補之攷雁湖初作此注有魏鶴山序先人嘗以搜求未得為憾後從長塘鮑氏鈔錄補刊晚印之本多有載此序

者而吾六世祖已不及見矣烏程劉翰怡京卿嘗得殘宋本
其魏序固存余請於翰怡許我假印冠諸簡端亦以繼
先人之志也惺吾初從朝鮮本錄示劉將孫母逢辰兩序文
中稱荆公為文正亦稍有不可句讀者余始猶疑之迨余本
撤裝攝影時年譜前夾綫中忽露殘紙兩段因悟是必
劉母兩序之餘其足以致疑者或朝鮮手民之誤歟因並存
之夫以一書之微閱數百年將就湮沒乃有人起而繇續之
而又故留其缺憾待百數十年後仍假其子孫之手使其先
代所引為缺憾者而一彌之其書欲止而卒不止是豈得謂
造物之無意耶抑亦血脈相承雖更歷數世苟精神有所訢
合而古昔之人與生存者固隱々有相通之道也歲在壬戌距

乾隆辛酉為百有八十年景印既竣謹識其緣起如右海
鹽張元濟

者而吾六世祖已不及見矣烏程劉翰怡京卿嘗得殘宋本其魏序固存余請於翰怡許我假印冠諸簡端亦以繼先人之志也惺吾初從朝鮮本錄示劉將孫母逢辰兩序文中稱荆公為文正亦稍有不可句讀者余始猶疑之迨余本撤裝攝影時年譜前夾綫中忽露殘紙兩段因悟是必劉母兩序之餘其足以致疑者或朝鮮手民之誤歟因並存之夫以一書之微閱數百年將就湮沒乃有人起而縣續之而又故留其缺憾待百數十年後仍假其子孫之手使其先代所引為缺憾者而一一彌之其書欲止而卒不止是豈得謂造物之無意耶抑亦血脈相承雖更歷數世為精神有所訢合而古昔之人與生存者固隱隱有相通之道也歲在壬戌距